

Prirodno-matematički fakultet
Društvo matematičara i fizičara Crne Gore

OLIMPIJADA ZNANJA 2019

Rješenja zadataka iz MATEMATIKE
za VII razred osnovne škole

1. Na kružnici su u smjeru kretanja kazaljke na satu ispisani svi prirodni brojevi od 1 do 2019. Precrtajmo najprije broj 1, zatim broj 10, pa 19, pa 28, i tako redom u istom smjeru. Koji će broj prvi biti precrtan dva puta? Koliko je brojeva u tom trenutku ostalo neprecrtano?

Rješenje: Kako je $2019 = 9 \cdot 224 + 3$ to će u prvom obilasku biti precrtani brojevi:

$$1 = 0 \cdot 9 + 1, 10 = 1 \cdot 9 + 1, 19 = 2 \cdot 9 + 1, \dots, 2017 = 224 \cdot 9 + 1.$$

U sljedećem obilasku biće precrtani brojevi:

$$7 = 0 \cdot 9 + 7, 16 = 1 \cdot 9 + 7, 25 = 2 \cdot 9 + 7, \dots, 2014 = 223 \cdot 9 + 7.$$

U trećem obilaženju će biti precrtani

$$4 = 0 \cdot 9 + 4, 13 = 1 \cdot 9 + 4, 22 = 2 \cdot 9 + 4, \dots, 2011 = 223 \cdot 9 + 4.$$


U četvrtom obilaženju prvo ćemo precrtati broj 1 i to će biti prvi dva puta precrtan broj. Dakle, do tada je ukupno precrtano $225 + 224 + 224 + 1 = 674$. Prema tome, neprecrtanih brojeva je ostalo $2019 - 673 = 1345$.

2. Tablica 7×7 popunjava se brojevima iz skupa $\{-1, 0, 1\}$, a zatim se izračunaju zbrovi u pojedinim vrstama, kolonama i na obje dijagonale. Dokazati da, kako god popunili tablicu, među tim zbrovima postoje dva jednaka.

Rješenje: Mogući zbrovi su brojevi iz skupa $\{-7, -6, -5, -4, -3, -2, -1, 0, 1, 2, 3, 4, 5, 6, 7\}$. Izračunatih zbrova po kolonama ima 7, po vrstama 7 i dva na dijagonalama. Dakle, ukupno 16 zbrova uzima vrijednosti iz 15-članog skupa pa postoje bar dva jednaka zbira.

3. U trouglu ABC ugao kod tjemena A jednak je 60° . Simetrala stranice AB siječe pravu AC u tački N , a simetrala stranice AC siječe pravu AB u tački M . Dokazati da je $|CB| = |MN|$.

Rješenje:



Označimo središte stranice AB sa L , a središte stranice AC sa K . Iz pravouglog trougla AKM sa uglovima 30° i 60° zaključujemo da je $|AK| = \frac{1}{2}|AM| = \frac{1}{2}|AC|$. Slično, iz pravouglog trougla ANL zaključujemo da je $|AL| = \frac{1}{2}|AN| = \frac{1}{2}|AB|$. Dakle, $\triangle ACB \cong \triangle AMN$ (SUS stav: $|AC| = |AM|$, $\angle BAC = \angle NAM = 60^\circ$, $|AB| = |AN|$), odakle slijedi $|CB| = |MN|$.

4. Odrediti sve petocifrene brojeve koji se završavaju sa 17, djeljivi su sa 17 i čiji je zbir cifara jednak 17.

Rješenje: Neka su traženi brojevi oblika $\overline{abc17}$. Kako 17 dijeli $\overline{abc17} = 100 \cdot \overline{abc} + 17$ zaključujemo da 17 dijeli i \overline{abc} . Zbir cifara je 17, tj. $a + b + c + 1 + 7 = 17$ pa je $a + b + c = 9$. Odavde slijedi da 9 dijeli \overline{abc} . Brojevi 9 i 17 su uzajamno prosti i dijele broj \overline{abc} pa i njihov proizvod 153 dijeli broj \overline{abc} . Dakle $\overline{abc} = 153 \cdot k$, $k = 1, 2, 3, \dots$. Direktnom provjerom nalazimo sve moguće trocifrene brojeve koji imaju navedena svojstva: 153, 306 i 612, pa traženi petocifreni brojevi su 15317, 30617 i 61217.